

سنه لکی در سعادت ایچون مجیدیه
یکرمی غروش حسابله التمش
غروشدر

طشره ایچون بوسته اجرتی اوله رق
اون بش غروش ضم اولنور

نسخه سی ۴۰ پاره در

تذکره محاکمه علیته

آبونه اولقی ایستینلر دائره عدلیه ده
اداره مخصوصه سنه مراجعت
ایتملدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور . محتویاتی امور عدلیه به متعلقدر

تبیغات

عدلیه نظامت جلیله سنده عدلیه مفتشیه ماکم
استینافیه مدعی عمومیلرینه نظیر قلناه خبرات ممومیه
صومیلر:

اورمانلرک تخریب اتندن وسائر بوقیل افعال
وحرکاتدن طولانی جهت عدلیه جه تعقیبات قانونیه
اجراسی اورمان مأمورلری جانبندن دعوی اقامه سنه
متوقف و نظامنامه مخصوصی منطوقنجه حکم اولنان
جزای تقدیلرله تضمینات اورمان اداره لرینه عائد
اولدینی کبی عمداً اورمان احراق ایتمک و ساخته
چکیچ استعمال ایتمک صورتلریله ایقاع ایدیلان
جرائم حقنده مدعی عمومیلرک طوغریدن طوغری به
اجرا ایده جکلری تعقیبات نتیجه سی یالکز تحدید
جزا بولنده حکم وقرار استحصالندن عبارت
اوله رق جرائم مذکورده دن طولانی تضمینات ایله
محکومیت دخی هر حالده اورمان مأمورلرینک وقوع
ادعاسنه وابسته بولنش اولوب چونکه جزا قانوننامه
هایوننک بوباید مابه التطبيق اولان مواد معلومه سی
افعال مذکورده متجاسر لرینک مستحق اولدینی کورک
وحبس جزالریله ضرر واقعت تضمینی لزومی تعیین
وارانه ایتمکده اولسنه نظراً محاکمه احوال مثالده
اشخاص متهمه ومظنوننک ذکر اولنان کورک
وحبس جزالریله تضمیناتدن ماعدا برده جزای تقدی
ایله محکومیلرینه کیدیه میه جکی وتضمینات مسئله سنکده
برمنوال محرر اورمان مأمورلری طرفندن طلب
وادما وقوعی حالنده تدقیقاتنه کیریشیله جکی مقتضیات
قانونیه دن اولسنیله عمداً وقوعبولان احراق اتندن
طولانی ذاناً فاعلنه ترتب ایتمیان جزای تقدیلرک
محاکم وزنه سنه ایراد قیدی موضوع بحث ایدلسنه
محل کوریه مامش وشوقدرکه قانون مزبورک ایکیز
قرق سکنلجی ماده سنده مرقم اولدینی وجهله اورمان
جوارنده آتش یا قورق حریق ظهورینه سببیت
ویرنلردن النه جق جزای تقدیلرک حاصلات عدلیه
جمله سندن والحاصل اوتهدنبری جاری اولدینی اوزره

قانون مذکور موجبنجه حکم اولنان جزای تقدیلرک
کافی السابق محاکمه ونظامنامه مخصوصه توفیقاً
اخذی لازمه کلانلرله تضمیناتک بوزده ایکی بچق
اعتباریله رسم تحصیلنک استیفاسندن صکره بقیه سنک
اورمان اداره لرینه عائدتی امور طبیعیه دن بولنش
اولدینی اورمان ومعادن وزراعت نظارت جلیله سنک
اشعاری اوزرینه انجمن عدلیه دن افاده قلنمش
اولمغله اولوجهله ایجاب ایدنلرله تبلیغات لازمه
اجراسی ضمننده اشبو تحریراتک نسخ مطبوعه
کافیه سنک لفاً ارسال اولدینی بیانیله شقه

محاکمه قورق

۵۰۶ نومرو لی نسخه ده مندرج در سعادت

جنایت محکمه سی اعلانک مابعدی :

انستی دخی رکیجه بکلدیکی بر محله دیمتری ایله
حسین کلهرک آغیله کیده جکلرندن بمثله برلکده کلکسی
سویلری اوزرینه قالقوب کیتمکده لر ایکن کندوسی
نادم اوله رق کیرو دوندیکنی و مرقومانک نزهیه
کیتدکلرینی بیلمدیکینی بیان ولدی الاستیضاح کندوسنه
مرقومان یالکز آغیله کیده جکز دیو سولش اولوب
فقط نه یاه جکلرندن معلوماتی اولدینی ودائرة استنطاقده
کندوسی ضرب ایتمکدن نفسی قورنارمق ایچون
بالان سویلدیکینی وضربیده اثبات ایده من ایدوکنی
اینان ایلدی .

مدعی شخصی دیمتریدن استیضاح کیفیت ایدلد
کده برکیجه ساعت بر بچق ایکی راده لرنده متهملردن
انستیدن ماعداسی اولان عبدالله وعزیز وحسین
ودیمتری بولندینی آغیله باصره رق کندوسی ضرب ایله
طقوزلیرا قدر پاره سنی غصب ایتمکدن ولدی السؤل
اوصره ده یاننده ایکی چوجق وارایسه ده خوف ایدرک
فرار ایدکلرینی ومتهملر اوج درت ال سلاح دخی
اتوب فقط کندوسنه اصابت ایتمدیکینی حکایه ایلدی .
دیگر مدعی دیمترینک افاده مضبوطه سی

اوقوتدیرلدقده اوچیز یکرمی بر سنه سی جز برانک
یکرمی سکنلجی صالی کونی کندوسی آغیلک قپوسی
کلیدلرب کیتدکدن صکره کیده آغیلک قپوسی قیریه رو
کبه وفانیله کوملک وشیاق کوملک وشال وسائر
اشیاسنک سرق اولدینی بالآخره کورمکله فاعل لرینک
کیملر اولدینی تحری ایتمکده ایکن مأمورین ضابطه
طرفندن کوسه حسین وچوبان دیمتری وداربجیله
انستی نامنده اوج شخصک در دست اولنش و مرقومون
عند الاستیضاب اقرار جرم ایتمش ایدوکنی بیان
ایتمدیکنی اکلاشلدی .

مدعی شخصیلرک بوافادتنه نه دیه جکلری متهملردن
لدی السؤل معلوماتلری اولدینی سویلدیلر .

متهملرک استنطاقاً مضبوط اقرارلری اوقوتدیر
لدقده بولنلردن حسینک استنطاقنه مصادف اولان
۱۴ تموز ۳۲۱ تاریخندن مقدمکی بازار ایرتسی کونی
ابراهیم کندوسی قسطی کلها اوغلی دیمتریدن قرضاً
اللی غروش المق ایچون کوندرمکله کیتدیکنده مرقوم
دیمترینک پاره لری صایمقده اولدینی کوروب مبلغ
مذکور ایستمسق اوزرینه مرقوم پاره ویره مام
دیدیکندن عودتله ابراهیمه سویلدیکینی وینه مرقومک
تنبیله بورجاق طویلامق اوزره ترابه کیتدیکنده
عبداه ایله عزیزک چارداقده اوطورمقده و دیمتریده
قویونلری صولامق ایچون قیودن صو چکمکده
اولدینی کوروب اولا دیمترینک یانه و صکره ده دیمتری
ایله مرقومان عبدالله وعزیزک نزدینه کیتمکده ایکن
مرقوم عبدالله چارداقدن اینهرک وروولورینی سیلوب
یانلرینه کلهرک کلهر بور اریورز دیمسیله کندوسیده
چوبان دیمترینک پاره صایدینی کوردیکینی حکایه
ایلمسی اوزرینه مرقوم عبدالله بوندن ایی کلهری
اولور سن کیت بز بوخستیانک پاره سنی الورز دیمکله
کندوسی اورادن قالقوب کویه کلدیکنی وقهوه خانه ده
اوطوردقندن ویمک یدکدن صکره یاتمی اوزره ابراهیم
ایله برابر خرمنه کیتدکلرند قوریلجی رجب ایله حاجی
قیزینک محمد بالورود آغیلک باصلمش اولدینی سویلد
کلرینی و مرقومون عزیز عبدالله ودیمتریده وروولور

کوردیکنی و ابراهیمک آغیلک باصلمسی ماده سته
کلنجه داربجلی انستی ایله یکی کویلی دیمتری برلکده
بولدقلری صرده مرقوم انستی اوطه سی دیمتریک
پارده سی بولدیغی سولسی اوزرینه بهمه حال سنده
برابر کیده حکمک دیرک کندوسی اجبار ایله کیجه
ساعت بر راده لرده آغیله کیتدکلری وانستی کلیدی
بولنان آغیلک قوسنی قیره رق ایچرو کوروب کندوسی
دیمتری ایله طیشاروده بکلدیکنی و مرقوم انستی
ایکی که بر جوان شالی و بر پلک وایکی عدد عبا
و برطلوم پینیر و چکمه جینی دخی قیره رق درونندن
کندوسنک مقدا دیمتری به امانه برافش اولدیغی
بر روولوری اخذ و سرفت ایله روولوری کندوسی
اوب بالاخره فروخت ایتدیکنی وانستی اشیای
مذکورده دیمتری به برکه و یروب باقیسنی کندوسی
الیدیغی و مرقومان انستی ایله دیمتریده بر روولور
بولنوب کندوسنده هیچ بر سلاح بولدیغی افاده
و عبدلهک دخی موزک اون برنجی بازار ابرنسی کونی
پندکه کیدرک عودتنده عزیزه تصادفه مرقوم ایله
برابر دیمتریک چارداغه کلدکلری و الماش اولدقلری
راقی ایچمکه و مرقوم دیمتریده قیونلری صولامق
اوزره قیو باشنده بولتقدده اولدقلری بر صرده کوسه
حسین بالورود دیمتری ایله بر مقدار قونشدقندن صکره
کندی یانلرینه کلرک برده اوتوز قرق لیرا وارد
الهم دیمی اوزرینه کندوسی سکر حلاله بولنسندن
نانی برلکده مرقومون ایله کیمش ایسه ده زره
کیتدکلری بیلمیوب بالکر کوپکلرک صالدردیغی
ودیمتریک ده ایکی ال سلاح آدیغی بیلدیکنی
و چوبالک صولدیغندن و پاره نک تقیم ایدلرکندن
خبری اولدیغی حکایه و دیمتریک دخی یوم مذکورده
عبده ایله عزیز بولندی چارداغه کلرک عشرت
ایچمکلر ایکن کندوسیده قیونلری صولامق ایچون
قیو باشنده کیتدکلرک کوسه حسین یانه کلوب جوان
دیمتریده برکیسه التون کوردم کیده لمده الهم دیمی
اوزرینه مرقومان عزیز و عبدلهک یانه کیتملریله
کیفی مرقومانده سولیه رک و رلکده بولنسی حقده
کندوسی دخی اجبار ایدرک برلکده قاقوب
کیتدکلری و کوپکلرک صالدرمی اوزرینه حسین
کوبه طوغری فرار ایتدیکنی و کندوسیده کیروده
طوردیغی بر صرده ایکی ال سلاح آتش ایسه ده
کیمک آدیغی کورده مدیکی و عبده ایله عزیزک پاره لری
الهرق کلرله پینلرند تقیم ایتدکلری و اون بش
کون مقدم دخی حسینک تشویقه انستی دخی
برلکده اولدیغی حلاله آغیله کیدرک قوسنی قیردقلری
ودرونندن ایکی که و برطلوم پینیر و بر پلک و بر عبا
و بر عدد جوان شالی ایله برده روولور الدقلری

کندوسی طیشاروده بکلوب حسین ایله دیمتری
ایچرو کیدرکلری و مرقومان ایچرودن اوج که
وایکی شیاق عبا و بر پلک و برطلوم پینیر ایله حسینک
روولورنی اوب کتورده کلری و کندوسیه دیمتریده
بر روولور بولنوب بشقه سلاحلری اولدیغی انیان
ایتمش اولدقلری منظم اولمسه هر برنک برتفصیل
و قوعولان بواقارلرینه نه دیجه کلری صورلدقه
حسین کندوسی ضرب ایتدکلری جهته اقراری
قبول ایتمه چکنی و تکرار واقع اولان سؤاله استطاق
اولدقدن صکره ضرب ایدلرکینی بیان و عبده دخی
سرفقدن معلومانی اولیوب مسروق ذیلان اشیا
انستیک خانه سندن چیمش ایدوکی و عزیزده مهم
حسین و دیمتریک اقراری و سرفقدده کندوسی
تشریک ایتدکلری اوزرینه کندوسنده سولتدر
دکلری و بناء علیه افاده سی قبول ایتمه چکنی وانستی
کندوسنه اقرا ایتدکلری درمیان و دیمتریده بر
دیجه چکی اولدیغی برآورده زبان ایدیلر .
(بقیه سی کلجک نسخیه)

محمد علی و فائق افندیلرک سلطانی ضرب ایدلرکی
اصولاً ثابت اوله مدیغندن برائتنه
سعادت خانم ایله زیبا قیزک محمد بهادالدین افندیکن
خانه سندن اشیا سرفت ایدلرکی اصولاً ثابت اوله
مدیغندن برائتنه
علویه خانم احمد نام جوجفک و فاقشه سیبیت
و یردیک اکلایشله مدیغندن برائتنه
علینک صفری ضرب ایتدیکنی ثابت اوله مدیغندن
برائتنه
پنابولک نیقولی جرح ایدلرکی ثابت اوله
مدیغندن برائتنه
قوچونک قومیسر اسماعیل افندیکن تحقیق
ایدلرکی اکلایشله مدیغندن برائتنه
کریمک ارداشی ضرب ایدلرکی ثابت اوله مدیغندن
برائتنه
موقوف مصطفانک شاکرک اشیا سی سرفت ایدلرکی
ثابت اولدیغندن اوج آی حبسنه و ختام مدتنده
ضابطه جه کفالته ربطه
محمد اغانک بلدی چاوشلرندن علی و لطفی افندیلره
حقارت ایدلرکی ثابت اولدیغندن برلیرا جزای تقدی
اخذنه
جالک اسماعیلی ضرب ایدلرکی ثابت اولدیغندن
برهفته حبسنه
موقوف رحیم جعفرک قسطنطینک چواللری سرفت
ایدلرکی ثابت اولدیغندن اوج آی حبسنه

السطاش و ابلیانک بکدیگرکی ضرب ایتدکلری
ثابت اولدیغندن بر هفته حبسلرینه
حلمینک فاطمه خانمی ضرب و مزیره خانه اطاله
لسان ایدلرکی ثابت اولدیغندن اون کون حبسنه
عارف افندیکن مولوی درگاه شریفندن
سجاده و خالی سرفت ایدلرکی ثابت اولدیغندن آئی
آی حبسنه
آلیر و مارقونک مضارب ایتدکلری ثابت اولدیغندن
بر هفته حبسلرینه
بکدیگرکی ضرب ایدن امین و عبد الرحمن و عابدین
افندیلرک بر آی حبسلرینه
دلیر خانمک زهرا خانم اطاله لسان ایدلرکی
ثابت اولدیغندن یار لیرا جزای تقدی آتسنه
تنیهانه مخالف حرکت ایدن بک اوغلنده ساکن
استفودن بش بشلک جزای تقدی آتسنه
بولیس قومیسری احمدشکری افندیکن اجرای
ما موریت حالده ضرب ایدن قله قیوسنده ساکن
یودانک آئی آی حبسنه
افتره اطاله لسان ایدن قاسم پاشالی فروصودن
یارم لیرا جزای تقدی آتسنه
ماریفونی ضرب ایدن برر یورکیدن ایکی لیرا
الهرق مضروبیه اعطاسنه
الیزه ایله اسره اطاله لسان ایدن خایمندن ایکی
لیرا جزای تقدی آتسنه
کر قورک چاکتی چاک ایدلرکی تین ایدن اوخانسندن
اون بشلک جزای تقدی اخذنه
فیلیک قره کینی ضرب و اموال منقوله سنه ابراث
خسار ایدلرکی ثابت اولدیغندن اون کون حبسنه
درسعادت ، بک اوغل و اسکدار بدایت محکمهلری
جزا دائره لرجه قرار ویرلشدور .

اعلانات

درسعادت اصتیاف معنی عمر میکنده :
قلعه سلطانیه سنجاغنده طوزله قریه سندن حافظ
ولی بن احمد قتل قصیده سلاح انداخت ایدلرکی
اداسیله مظنون علیه اولوب حال فرارده بولنان
واوصاف و اشکالی غیر مضبوط اولان قریه مذکورده
اهالی سندن پیر محمد بن ابراهیمک اصول محاکمات جزائییه
قانوننک مواد مخصوصه سی احکامنه توفیقاً لواء
مذکور بدایت محکمه سی جزا دائره سنده محاکمه سی
اجرا قلنق اوزره قانون جزانک یوز سکسانجی
ماده سی ذیلی موجبجه جنایتله اتهامه قرار ویرلده
یکندن مهم مرقومک هر زرده کوربلورسه طویلوب

محکمک مذکورده توفیخانه سنه تسلیمی لازم کلرچکی
بالجمله ضابطه عدلیه مأمورلرینک معلومی اولق اوزره
اشیو اخذ و کرفت مذکورده درسعادت هیئت
اتهامیه سندن بالتظلم اعطا قلندی .

بماریت محکم سنده :

درعلیه دمه مارپوشیچرده صالح افندی خان آتنده
۴ نومروی مغازه ده مقیم تجارندن طاوید طاویدیانک
۳۰ اغستوس سنه ۳۲۲ تاریخندن اعتباراً اعلان
افلاسنه و مصالح افلاسنه ک رؤیت و تسویه سی ضمنده
اعضای محکمه دن سعادتلو ابراهیم بکک ژوژ قومیسر
و دعوی و کللرندن سلیم حسنی و اغوب بحری
افندیلرک موقت سندیک تینلرینه و مغازه سیله اشیا
زائده پیتسینک تمهیرنه و اوارق و دفاترینک جلبنه
و کفالت مصدقه اراه ایده مدیکی تقدیرده حبس
و توقیفنه و یو باده کی قرارک موقت اجرا سنه محکمک
تجارت بحریه جه قرار ویرلش اولدیغندن قانوننامه
تجارتک ۱۷۰ نجی ماده سی موجبجه دائمی سندیکلر
انتخاب اولنق اوزره [۱۸ ایلول سنه ۳۲۲] بازار ابرنسی
کونی ساعت یدی راده لرند اصحاب مطلوبک محکمک
مذکورده مصالح افلاسنه رؤیتنه مخصوص اوطه سنه
کلری اعلان اولنور .

قومقبوده اتمکجی فروسنده ساکن ایکن تجارت
بحریه محکمه سندن افلاسنه حکم اولنش اولان اتمکجی
قسطی قره دیلنک خصوصات افلاسنه سنک رؤیت
و تسویه سی ضمنده دعوی و کللرندن محمد بهرام
ورسانی افندیلر اصالة سندیک تعیین قلنمش اولدیغندن
مفلس مرقوم ذمتنده الهجنی اولانلرک قانوننامه
تجارتک ۱۹۹ و ۲۰۰ نجی ماده لری موجبجه تحقیق
دیون ایچون تاریخ اعلانندن اعتباراً یکری برکون
ظرفنده سنداتی محکم کاتبه تسلیم ایللری ومدت
مذکورده ختامندن صکره اوج کونده یعنی ۳۲۲
سنه سی ایلونک یکری اوچنجی جمعی ابرنسی و یکری
بشنجی بازار ابرنسی و یکری التنجی صالی کونلری
تجارت بحریه محکمه سنک مصالح افلاسنه رؤیتنه
مخصوص اوطه سنه کلرک سندیک افندیلر مواجهه سنده
الهجقلری اثبات و قید و تصدیق ایتدکلری ومدت
مذکورده اثبات وجود ایده میان الهجقلور حقنده
قانون مذکورک ۲۱۰ نجی ماده سنه توفیقاً ایلای
معامله اولنجنی اعلان اولنور .

چارشوی کیرده قالمیقار باشنده دکاننده ساکن
ایکن تجارت بحریه محکمه سندن افلاسنه حکم اولنش

اولان خفایه تاجری بکرکال افندیکن خصوصات
افلاسنه سنک رؤیت و تسویه سی ضمنده دعوی
و کللرندن حسن سنایا افندی ایله عثمان طلعت بک اصالة
سندیک تعیین قلنمش اولدقلرندن مفلس مرقوم
ذمتنده الهجنی اولانلرک قانوننامه تجارتک ۱۹۹
و ۲۰۰ نجی ماده لری موجبجه تحقیق دیون ایچون
تاریخ اعلانندن اعتباراً یکری برکون ظرفنده
سنداتی محکم کاتبه تسلیم ایللری ومدت مذکورده
ختامندن صکره اوج کونده یعنی ۳۲۲ سنه سی
ایلونک اون طقوزنجی صالی و یکرمجی چهارشنبه
و یکری برنجی پنجشنبه کونلری تجارت بحریه
محکمه سنک مصالح افلاسنه رؤیتنه مخصوص اوطه سنه
کلرک سندیک افندیلر مواجهه سنده الهجقلری
اثبات و قید و تصدیق ایتدکلری ومدت مذکورده
اثبات وجود ایده میان الهجقلور حقنده قانون
مذکورک ۲۱۰ نجی ماده سنه توفیقاً ایلای معامله
اولنجنی اعلان اولنور .

استانبولده محمود پاشا باشنده قلنجیچرده ساکن
ایکن تجارت بحریه محکمه سندن افلاسنه حکم اولنش
اولان کر قور تانادیان ذمتنده الهجفی اثبات ویا
موقت قبول و قید ایتدکلر اولان الهجقلورک
قانوننامه تجارتک ۲۱۱ نجی وانی ولی ایدن ماده سی
موجبجه مفلس طرفندن تکلیف اولنه جحق
قوتوردانولنک مذاکره سی ایچون [۷ ایلول سنه
۳۲۲] تاریخنه مصادف پنجشنبه کونی محکمک
مذکورده مصالح افلاسنه رؤیتنه مخصوص اوطه سنه
کلری اعلان اولنور .

دوده اغاج سنجانجی بدایت محکم سی مقوم دائره سنده :
دوده اغاجده ساکنه اوستریا و مجارستان دولتی
قونسولوسی موسیو سوخور زوجیسی مادام
فورنیانک دوده اغاجده واقع عرصه سنه تجاوز ایله
قرق اوج ذراع اون سکزر یارمق محله رومانیلی
اولوب دوده اغاجده اقامت ایتمکده ایکن انفکاک ایله
الیوم محل اقامتی مجهول بولسان ماریفو قادین
طرفندن انشا ایتدیریلان خلا ایله دیوارک هدنه
و محل مذکورده و قوعولان مداخله سنک متعنه دائر
دوده اغاج سنجانجی بدایت محکم سی حقوق دائر سندن
صادر اولان ۲۵ ایلول سنه ۳۲۱ تاریخلی واون الی
نومروی اعلام حکمک اجرایی طلب اولدیغندن
اجرا قانوننامه هابوننک یکری طقوزنجی ماده سی
موجبجه تاریخندن اعتباراً اوج آی ظرفنده اثبات
وجود اولمده سی ویا اولنوبده قانوناً شایان قبول

اوله بیله جک برکونه اعتراض درمیان ایدلیدیکی تقدیرده حکم اعلامک اجرا ایدیله جکی اعلان اولنور .

ایکینجی تجارت محکمه سنده :

درسعادتده ایوانسرایده نومروسز بقال دکاننده مقیم بقال دیمتری آ . قوری قفا اوغلنک ۱۸ تموز سنه ۳۲۲ تاریخندن اعتباراً اعلان افلاسنه ومصالح افلاسیه نك رؤیت وتسویه سی ضمننده اعضای محکمه دن عزتلو صادق بکک ژوز قومیسر ودعوی وکیللرندن مناس وزانبه اوغلی ابوستولاکی افندیلرک موقت سندیک تعینلرینه ومغازه سیله اشای زائده بیتیه سنک تمهیرینه واوراق ودفاترینک جلبنه وكفالت معتبره ارانه ایله مدیکی تقدیرده حبس وتوقیفنه وبو باده کی قرارک موقه اجراسنه ایکینجی تجارت محکمه سندن قرار ویرلمش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنق اوزره [۱۸ ایلول سنه ۳۲۲] بازار ایرتسی کونی ساعت الی راده لرنده اصحاب مطلوبک محکمه مذکورده نك مصالح افلاسیه رؤیتنه مخصوص اوطه سنه کلری اعلان اولنور .

مرجانده چقور خانه مقیم تجاردن افتراتیوس افره میدیسک ۲ ایلول سنه ۳۲۲ تاریخندن اعتباراً اعلان افلاسنه ومصالح افلاسیه نك رؤیت وتسویه سی ضمننده محکمه اعضا ملازمی رفعتلو یانقو افندیلرک ژوز قومیسر ودعوی وکیللرندن یورداناکی خیره لمیدی افندیلرک موقت سندیک تعینلرینه ومغازه سیله اشای زائده بیتیه سنک تمهیرینه واوراق ودفاترینک جلبنه وكفالت معتبره مصدق ارانه ایده مدیکی تقدیرده حبس وتوقیفنه وبو باده کی قرارک موقه اجراسنه ایکینجی تجارت محکمه سندن قرار ویرلمش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنق اوزره [۱۶ ایلول سنه ۳۲۲] جمع ایرتسی کونی ساعت الی راده لرنده اصحاب مطلوبک محکمه مذکورده نك مصالح افلاسیه رؤیتنه مخصوص اوطه سنه کلری اعلان اولنور .

خداوندگار ولایتی مرکز تجارت محکمه سنده

موقه اعلان افلاسنه قرار ویریلان تجاردن یاورویان کروپیک افندیلرک اصولاً تنظیم ایدیلان اعلاننامه اوزرینه مدت معینه سی مکرراً مرور ایتدیکی حالده اصحاب مطلوب صفتیه هیچ برکسنه ماصیه مراجعت ایتدیکی سندیکلر طرفندن ورود ایدن راپور مالندن اکلاشلمش وطالب افلاس اولان بالطه یان مهران اغا

دخی استیفای مطلوب ایتدیکی حضور محکمه ده اقرار واعتراف ایلش اولدیغندن مومی الیه حقنده صادر اولان موقت افلاس قرارینک رفعتله خداوندگار ولایتی مرکز تجارت محکمه سندن قرار ویرلدیکی اعلان اولنور .

بک اوغلی بدایت محکمه سی اجرا دائره سنده :

اوخانس فرنکیان افندیلرک زینتی وکریه سی خدیجه خانملر ذمترلنده بک اوغلی بدایت محکمه سی برنجی حقوق دائره سندن لاحق اولوب تمیزاً تصدیق قلمش اولان ۷ ایلول سنه ۳۲۱ تاریخی اعلان موجبجه اله جنی اولان یوزاللی عدد لیرای عثمانیک مع فائض ومصارف محاکمه تأمین استیفاسی ضمننده مدیونان مومی الیه مانک عهده تصرفلرنده اولوب داین مومی الیه نامنه فراغ بالوفا ایله مقید وفروختی حکم اعلامه مستند بولنان ایاس پاشا محله سنک ایه زقاغنده کائن طولاً طقوز آرشون طقوز پارمق وعرضاً اون آرشون اون ایکی پارمق که جمعاً ونخمیناً یوز ذراع معماری عرصه اوزرینه مبنی اوچ اوطه مع صوفه ومطبخ وابدستخانه یی وارقه سنده طولاً اون بر آرشون یکریمی اوچ پارمق وعرضاً طقوز آرشون اون بر پارمق که بحساب تربیی یوز اوچ آرشون مقداری باغچه محلی مشتمل وانصالنده طولاً طقوز آرشون طقوز پارمق وعرضاً درت آرشون بش پارمق که جمعاً ونخمیناً قرق الی آرشون اوزرینه مبنی درت اوطه وصوفه وابدستخانه یی حاوی وارقه جهتنده خارجه نخمیناً قرق آرشون محلنده مطبخ وطلومبلی قیوی مشتمل اون ایکی ومکرر اون ایکی نومرولرله مرقم قاسم پاشاده سروری مسجد شریفنده واقع مرحوم اسماعیل اغا وققندن توسیع انتقالو ایکی باب اخشاب خانه لدی المزایده اوچیک بشیوز غروش التون اچه بدل ایله طالبی عهده سنده تقرر ایدرک موقت قراردادده سی کشیده قلمش اولدیغندن تاریخ اعلانندن اعتباراً اوتوز بر کون ظرفنده لاقل یوزده بش ضمیمه طالب اولوب معلومات مفصله المی ایستینلرک یوزده اون نسبتنده کی دیپوزیتو اچهلر نی مستصحباً بک اوغلی بدایت محکمه سی اجرا دائره سنده مراجعت ایللری ومدت مذکوره ختامنده یعنی شهر ایلولک یکریمی سکزننجی پنجشنبه کونی ساعت سکز راده لرنده قراردادده قطعیسی کشیده قلمش اوزره سالف الذکر خانملر پیشکاهنده مأموری مواجهه سنده حاضر بولنلری اعلان اولنور .

ازمید بدایت محکمه سی اجرا دائره سنده :

ازمیدده مقیم بقال داوید قره ملقون اوغلنک انشآت بحریه میرلوارندن متوفی احمد پاشا مخدومی اولوب انقرده مسافره مقیم الای بکی عزتلو محسن بک ذمتنده کسب قطعت ایتش برقطعه اعلام غیبی موجبجه اله جنی اولان اون ایکیک کسور غروشک تأمین استیفاسی چون مدیون مومی الیه متوفی احمد پاشادن ارثاً انتقال ایدن ازمیدده واقع احمد پاشا چفتلرکی دیمکله معروف یکریمی الی قطعه اراضینک الی حصه اعتباریه برقطعه حصه شایعه سی اشودی مقابلنده حجازلتنه الیرلمش اولدیغندن تاریخ اعلانندن اعتباراً اون بش کون صکره بالمزایده فروختنه تشبث اولننه جنی ازمید سنجانی بدایت محکمه سی اجرا دائره سندن اعلان اولنور .

کوریجه بدایت محکمه سی اجرا دائره سنده :

کوریجه دعوی وکیللرندن واسیل فوندی افندیلرک کسریه نك بوغاجقو قره سندن قاترینه بنت خرستو ذمتنده با اعلام اله جنی اولان مبالغک تأمین استیفاسی ضمننده مزبورده نك قریه مزبورده ده متصرفه اولدینی بر باب نصف خانه سی بالمزایده بیک بشیوز غروش بدل ایله داین عهده سنده تقرر ایدرک موقت قرار داده سی کشیده اولندیغندن یوزده بش ضمیمه اشترایه طالب اولوب پی سورمک ایستینلرک مدت مزایده دهاوتوز برکون امتداد ایده جکی جهته اول مدت ظرفنده کوریجه سنجانی بدایت محکمه سی اجرا دائره سنه مراجعت ایللری اعلان اولنور .

مرفته بدایت محکمه سی تجارت قسمده :

مرفته قضاسنک غانوز قریه سنده مقیم واروح ولد لویسک ۲۷ تشرین اول سنه ۳۱۸ تاریخندن اعتباراً اعلان افلاسنه ومصالح افلاسیه نك رؤیت وتسویه سی ضمننده اعضای محکمه دن رفعتلو نیقولای افندیلرک ژوز قومیسر ویورغاکی قالویانیدی افندیلرک موقت سندیک تعینلرینه ومغازه سیله اشای زائده بیتیه سنک تمهیرینه واوراق ودفاترینک جلبنه وكفالت قویه ارانه ایده مدیکی حالده حبس وتوقیفنه وبو باده کی قرارک موقه اجراسنه مرفقه بدایت محکمه سی تجارت قسمندن قرار ویرلمش اولدیغندن قانون تجارتک ۱۷۰ نجی ماده سی موجبجه دائمی سندیکلر انتخاب اولنق اوزره شهر ایلولک اون دردننجی پنجشنبه کونی ساعت الی راده لرنده اصحاب مطلوبک محکمه مذکورده نك مصالح افلاسیه رؤیتنه مخصوص اوطه سنه کلری اعلان اولنور .